

Das Doctor Marti-
us kein Adiaphorist gewesen ist /
und das D. Pfeffinger und das
buch on namen ihm / gewalt und
unrecht thut.

Nicolans von Ambsdorff / E X V L
V. NOVEMB.

Bedruckt zu Magdeburg / bey
Christian Ködinger. Anno M. D. L.

THE ROYAL SOCIETY
OF LONDON
AND THE
FELLOWSHIP OF
THE ROYAL SOCIETY
OF LONDON

THE ROYAL SOCIETY
OF LONDON

THE ROYAL SOCIETY
OF LONDON

Er xx. iarn da die Pa-
pistē auff dem Reichstag zu Aug-
spurg so Jubilirten/vnd schrien/
Iuch hoya nu gewonnen / da
sagt ichs vnd schreibs auch von
mir/ Ich fürchte mich für den Papisten nicht /
aber für den vnsern fürchte ich mich / Denn die
Papisten Können vns kein schaden thun / mit feur
vnd schwert mögen sie den leib hinrichtē/ vnd der
Personen weniger machen / Aber der Lehr vnd
Glauben Können sie damit nichts thun / denn sie
vermögen aus der Schrifft nichts widder vns vñ
vnserē lehr auffzubringen. Aber die vnsern werdē
nach dem Tod D. Martinus heiliger gedechtnus
vns allererst den rechtē schaden thun/nicht öffent-
lich aus der schrifft / sonder verborgē vnter dem
schein vnd namen der schrifft / wies denn itzt in
vollem schwang. gehet vnd geschihet.

Denn es hat D. Pfeffinger zwey bücher dru-
cken lassen / eins in seinem namen/ das ander on
ein namen/ darinne die Adiaphora oder Mittel-
dinge so hefftig vnd herrlich vertediget / vnd mit
solchem Gottseligen vnd Christlichem schein ge-
schmücket vnd getziret werden/ das auch die aus-
erwelden Gottes/wens möglich were möchten ver-
füret werden. Nu sinds gleich wol nicht mehr
denn menschen traditiones / aus eigener andacht
vñ gutdünckē on Gottes wort vnd befehl eudacht/
auff vnd angerichtē/ daran Gott je kein gefallen
haben kan/wie alle schrifft sagt/ Warum siche
vñ streit man denn so hart vnd hefftig pro huma-
nis

A

nis figmentis/ so der Papst aus eigenem frenel vnd
mutwille nicht zur zucht vnd ordnung / sonder
Got zu ehⁿ vnd dienst eingesatzt gestift vnd ge-
boten hat .

Vnd dazu itzundt vom Keiser auff's newe als
Gotsdienste gebotten werden / das Papstumb
vnd seine Gotsdienste widderumb auffzurichtē/
vnd inn sein Antichristisch Regiment/ehre/wirde
vnd herrligkeit zu setzen/ vnd auch vnser Predi-
canten vnter die Messbischoff widder zu dringen
vnd zwingen / das sie sich von ihnen zur Messe
weihen vnd ordiniren lassen sollen .

Solchs alles vnangesehen/habt ihr dem Kei-
ser zugehorsam vnd gefallen ewre Messe vnd Ca-
remonien/so Adiaphora/ vnd nicht widder Gott
sein solln/doch der alten Messe vnd Caremonien
gantz gleich zur zucht vnd guter ordnung / nicht
das es Gotsdienste sein solln geordnet vñ auffge-
richt/sonder/auff das der Keiser sehe vñ spüre/das
man sich mit den Messbischoffen / vmb liebs vñ
friedes willen vereiniget vnd vergleicht hat/nicht
das solche Caremonien/ wie D. Pfeffinger sagt/
als notwendig zur seligkeit/ zugelassen werden/
sonder(dieweil sie nicht widder Gott sind) zu gu-
ter ordnung vnd gleichheit / vnd zuerhaltung des
heuppt stücks dienstlich mögen gehalten werden/
auff das nicht ein itzlicher störriger kopff inn den
Kirchen mache/wie er wil. Dac vngeferlich ille.

Solchs alles wer wol ein gute meinüg/wens
nicht den Antichrist vnd sein Reich betreffe / vnd
sich mit ihm vnd denen/so vnser lehr verdamme /
verbieten/ vnd so greulich verfolgen/ damit nicht
vergleis

vergleichte noch vereinigte. Denn das sie inn der
hapt lere mit vns nicht eins weren/solt mich we-
nig anfechten / wenn sie nur das Euangelium
frey vnuerhindert Predigen liessen / so künnt vnd
wolt ich mich mit ihn auch vergleichen. Aber die-
weil sie beide Keiser vnd Bischoff vnser lehr ver-
bieten vnd verdammen/ vnd solche Caremonien
für Gotsdienste wolln gehalten haben/so kan ich
mich mit guten gewissen mit ihn nicht verglei-
chen/noch vereinigen/oder das wenigste nachgeben.
Denn was hilffts euch liebe Herrn/ das ihr eure
Caremoniē vnd Adiaphora nicht für Gotsdien-
ste ordēt vnd einsetzt/dieweil der Keiser vnd Papst
sie für Gotsdienste in den Kirchen will auffgeri-
cht vnd dafür geacht vnd gehalten haben. Denn
darumb hat er sie so ernstlich geboten/das die Kir-
chen ordnung der Messbischoffe widder an vnd
auffgericht werden / wie die itzige handlung des
Reichstags zu Augspurg(Got erbarm es)lerlich
ausweist. Wer nu dem Keiser zugefalln sich mit
ihn in Caremonien vergleichen / vnd ihn etwas
nachgebē wil/der sehe zu/ ob er dadurch die Be-
stliche misbreuch nicht stercke/vnd vrsach gebe/
das sie allenthalben widder auffgericht werden/
ich will itzt nichts für mich nemē/denn ein stück/
nemlich/das Doctor Martinus sein tage kein A-
diaphorist gewesen ist/vnd will von erst dem buch
on namen antwortē/darnach D. Pfeffinger

Das buch on namē schreibt/am blat. f.mit Klei-
ner schrift also. Zur zeit der vorigē Fürstē/vñ D.
Martinus seligē ist in der Confession vñ Apologia
vñ hernach je vñ allweg in allē Tractatibus solch
A iij erbieten

erbieten mit den Adiaphoris gescheen/vnd sint bis
fals auch rechte Adiaphoristen/ Wie gefelt euch
das? denn es eben die personen gewesen / eben die
sache / eben solche gelegenheit vnd vmbstende ge-
habt/ die es itzt sein vnd hat. Vae ille. Darauff
sage ich kurtzlich zu erst in der gemein. Das vn-
ser erbieten in der Confession vnd Apologia/vnd
sonst auch in andern schrifftten vnd hendeln alle-
zeit dermassen gestalt vnd geordnet geweest ist/ das
vnser widdertheil dasselbige nie hat wollen an-
men/ daraus jederman wol abnemen kan / das
ihnen nicht zu viel nachgeben ist/darumb können
sie sich damit nicht entschuldigen/vnd möchten es
wol geschwiegen haben.

So weis ich auch fürwar/ das Doctor Mar.
heiliger gedechtnis inn allen seinen schrifftten vnd
hendeln sich nie anders etwas zuwilligē vñ ihnen
nachzugeben erbotten hat/ Es sey denn/das die
Messbischoffe vnser lehr vorhin vnuerboten vnd
vnuerdampt/vnd die Ceremonien vngeloben frey
gehen/predigen vnd halten lieffen/Darumb finds
itzunder viel ander sachen/viel andere gelegenheit/
viel ander vmbstende/denn zu ihener zeit. Derhal-
ben Doctor Martinus vnd die seinen nicht können
noch mögen Adiaphoristen gescholten werden/
wie gefelt euch das? Denn sein erbieten vnd ewre
that sind weiter von einander/denn Himel vnd
Erde/D. M. hat sich erbotten ihnen etwas nach-
zugeben/vnd mit ihn zuhalten/wenn sie vnser lehr
nicht verböten noch verdampfen. Aber ihr vn-
gesehen/das ihr Messbischoff vnser lehr verdam-
men/verbieten/vnd auff's eusserste verfolgen / So
habt

habt ihr euch mit ihn verglichen / vnd ihn schler
alles nachgegeben / vnd ihr thun vñ wesen gar ge
billicht / bestetiget vnd widder auffgericht / welchs
D. Martinus seine tag nie gewilligt / noch nach
gegeben hat / wie das seine bücher klerlich zengē/
vnd sonderlich seine handschrift / wenn sie vnuer
sicht an tag gebracht würde.

Zum andern / so hat sich D. Martinus erbotē
zu weichen / vñ etwas nachzugeben / wenn die Ca
remonien nicht gebotē / sonder frey gelassen wür
den. Ihr aber vnangesehē / das der Keiser des Ba
sis Caremonien mit solchem grosen ernst gebent/
vnd will gehalten haben / habt ewere newe Messe
vnd Caremonien erdicht vnd auffgericht / der Op
ffermesse vnd Bepflichten Caremonien gantz
gleich / auff das der Keiser vnd iberman sehe vnd
spüre / das ihr euch mit den Mesbischoffen
vergleicht vnd vereinigt habt / wie denn auch das
buch sich selbs rühmet / das ihr euch mit den Mes
bischoffen verglichen habt / vnd ihe neher / spricht
es an eim andern ort / man sich mit ihn vergleichē
kan / je besser vnd nützer es sey. Ja freilich besser
vnd nützer zum Keuffen vnd verkeuffen / denn wer
hie vngehorsam ist / vnd in Caremonien mit den
Mesbischoffen sich nicht vergleichet / der ist in der
Acht / vnd darff widder Keuffen noch verkeuffen /
denn er hat das malzeichen von der Bestien nicht
empfangen / den Chorrock vnd die Casel nicht
angezogen.

Zum dritten so hat sich D. Martinus erbotē
zu weichen / vnd ihn etwas nachzugeben / ni
cht das wir vnter den Antichrist / in sein reich wid
der ko

der Kommen / sonder bey Christo inn seinem Reich
bleiben sollten. Ir aber habt euch mit den Wess-
bischoffen vergleichetauff das ihr vnters Regimēt
des Antichrists ihres Abgots widder Kommen vnd
bleibē mögt. Den das will der Keiser haben / Auff
das ihr nu dem Keiser gehorsam seit / so habt ihr
solche Cæremoniē nicht nach D. Martinus Gott-
seligen erbieten / sonder nach des Keisers Edict ge-
williget auffgericht / vnd angenommē / Gehet ihr
nu schier / ab ihr das Papstūb stercket / oder nicht /
vnd ab in D. Martinus erbieten vñ in ewrer that
einerley sache vmbstende vnd gelegenheit sind?

Denn Luther hat vmbis Keisers gebotts wil-
le sein tag nichts nachgeben / noch etwas zu wil-
ligen sich erbotten / Er hat sich sein tag mit den
schendern vnd lesterern des Euangelij nie verglei-
chen wolln / Er hatt den halsstarrigen Pharise-
ern nie vmb ein har breit weichen wolln / Er hat
sein tag keine gebotene Cæremonien wollen anneh-
men / wie gefelt euch das?

Ihr aber habt dem Keiser zu gehorsam viel
Cæremonien gewilligt / vnd nachgeben / Ihr habt
euch mit den schendern vnd lesterern des Euange-
lij den Wessbischoffen vergleicht / Ir habt schier
in allen Cæremonien den halsstarrigen Pharise-
ern gewichē / Ir habt die so ernste gebottene Cæ-
remonien widder angenommen oder ander / so den
alten gleich seint / widder an vnd auffgericht / vnd
das malzeichen von der bestien empfangen / Wie
gefelt euch das? Gehet nu hin vnd entschuldiget
euch / das ihr das Papstūb nicht gestercket habt /
vnd weisbrent euch mit D. Martinus das er sich
mit

mit dem Antichrist hat vergleichen / oder ihm et-
was nachgeben wollen.

Es wundert mich / das des buchs dichter / so
streich vnuersehẽt / vñ kñne sein darf von D. Mar-
tino solchs zuschreiben / so doch sein letzte schriffe
vnd gemelde vom Bapstumb hart für sein Töde
das widderspiel öffentlich zeugen vnd beweisen /
nemlich / das das Bapstumb vom Teuffel her-
komme / vnd von ihm seine geburt / vnd vrsprung
habe / wie denn der heilige Paulus auch geweis-
t sagt hat. Wie solt er denn dem Bapstumb wei-
chen oder etwas nachgeben / vnd sich mit ihm ver-
gleichen?

Das sey stzt von dem einigen ort im buch on na-
me gesagt / das D. Martinus sein tag kein Adia-
phorist gewesen sey / der gebottene Adiaphora hett
gewilliget / oder angenommen / von denen so das
Euangelium verdamme vñ verbieten / vñ die Adia-
phora für einẽ Gottesdienst habẽ wolle. Nu wol-
k wir beschẽ / wie D. Pfeffinger D. Mart. Luth.
zu ein Adiaphorist macht / So schreibt er in seiner
verantwortung am blat E. Auff solchẽ fal hat sich
D. Martinus. auch solche weise zuhalten / vñ an-
zunemen erboten / da gleich die heuptsache spenig
bliebe / vñ obs ihn gleich zorn thete wolẽ wir gleich
wol zeugen / das D. Martinus ist ein rechter Adia-
phorist gewesen / vnd vber Christlicher Freyheit
zum höchsten in Mitteldingen gestritte / vnd keines
weges gewolt / das man die Neutralia damnabilia
schließen solt / ja auch nach gelegenheit da die ges-
fallen / frey möchte widder auff richten / wie schõ-
ne Jünger sind diese D. Martini / die Doctrinam de
Adiaphoris

Adiaphoris gantz verdammen / vnd eitel Necessaria
daraus machen / rhümen vnd schreyen seher / das
sie seine Jünger sind / aber wie sein folgē sie seiner
lehr. Hæc ille / das sind D. Pfeffingers wort.

Zum ersten / spricht er / auff solchen fall (wie
oben erzelt) hat D. Martinus auch solche weise
(mit den Adiaphoris / so nicht widder Gott sind)
zu halten vnd anzunemen sich erbotten / da gleich
die heuptsache speinig blicke / Das las ich passirn.
Aber ob sie gleich inn der lehr mit vns nicht eins
werden / so müsten sie aber die heuptsache nicht
damnirn / vnd verfolgen / Denn wo sie vnser lehr
damniren vnd verfolgen würden / so wolt er ihre
weise nicht halten noch annemen / wie das seine
hantschafft zeuget . Darumb ist D. Martinus
heiliger gedechtnis inn diesem fall vnd derhalbē
kein Adiaphorist.

Zum andern / spricht D. Pfeffinger / vnd obs
ihn zorn thete / wollen wir gleichwol zeugen / das
D. Martinus ein rechter Adiaphorist gewesen ist /
(Sehet aber zu / das ihr recht zeuget vnd nicht fal
sch gezeugnis gebt / Sagt an / wo mit wolt irs be
zeugen oder beweisen) Er hat spricht Pfeffinger
vber der Christlichen freiheit in Mitteldingen zum
höchsten gestritten / vnd keines weges gewolt / das
man die neutralia damnabilia schelten solt. Ja auch
nach gelegenheit / da die gefallē frey möchte wider
der auffrichten / Hæc ille. Da sind drey zeugen / das
D. Martinus ein Adiaphorist gewesen ist . Der
erst / das D. Martinus vber der Christlichen frey
heit in Mitteldingen hefftig gestritten hat / (neu
lich / das man die Adiaphora nicht verbietē noch
gebietē

halten/nicht nötig noch vnnötig machen soll /
sonder das man sie frey/willig halten oder nicht
halten mag/allein das maß der schwachen schon
bis sie starck werde. So verstehe ich die Christliche
freiheit/ auff die weise bin ich warlich ein Adia-
phorist/vnd lasse geschehen/das Doc. Martinus
auff die weise auch für ein Adiaphoristen geschol-
ten werde.)

Der ander zeuge/das D. Martinus die neu-
italia nicht hat wollen damnabilia schelten lassen
(das las ich auch geschehen / ich hab mein tag
kein Mittelding verdampt/D. Martinus auch ni-
cht/Darumb wollen wir auff die weise gern Adia-
phoristen sein.)

Der dritte zeuge/das man die Mitteldinge/ba-
sie gefallen sind/auch möge widder auff richten.
Diesen zeugen verwerffe ich auch nicht / denn
warumb solt ein Pfarherr in seiner kirchen ein ge-
sang oder etwas dergleichen / so gefallen were/
doch on gesetz vnd gebot freywillig/nicht widder
auff richten?

Aber was dient das hieher zu vnser sachen/dar-
von streiten vnd fechten wir gar nichts/ wenn ihr
solche Adiaphoristen weret/wie jtz erzelt/ so we-
ren wir wol eins blieben/vnd nie vneinig worden.

Es hat mit euch viel ein andere meinung/Ihr
habt in den dreyen büchern auff den knoten dar-
an die macht leit nicht ein wort geantwort /
Denn wir handeln nicht ob Adiaphora oder die
Mitteldinge nötig oder vnnötig sind / ob man
sie halten mus oder nicht halten mus/denn so
werens nicht mehr Adiaphora oder Mitteldin-
ge. Sonder wir handeln daon/Ob Adiapho-

re ober Mitteldinge/so der Papst als Gottesdien
ste geboten hat / vnd itzt auff's newe vom Keiser
das Papstumb mit allen seinen greueln vnd mis
breuchen widerumb auffzurichten geboten wer
den/ob ihr in den Kirchen Christi die selbigen A
diaphora vnd Mitteldinge/ so an ihn selbst nicht
widder Gott sind /widerumb auffrichten / orda
nen vnd setzen mögt / ob dasselbige ein ergernis
anricht / vnd das Papstumb stercket/ oder vrs
sach gibt/dasselbige wider auffzurichten / Das
rauff solt man antworten vnd schreiben/so macht
ihr ein gewesch daher/von Mitteldingen/die gut
sind etc.

Die sprechen wir nu/vnd D. Martinus mit
vns/ das mann sich mit dem Antichrist/so das
Reich Christi verdampft vnd verfolgt / nicht ver
gleichen/noch seine makeichen vnd Adiaphora /
so er geboten hat/annemē soll. Nu habt ihr euch
mit ih m verglichen/ vnd seine Adiaphora ange
nommen/vnd rhümet/ihr habt recht vnd wol ge
than/das ihr Gott mit Belial/vnd Christum mit
dem Antichrist verglichen habt/welchs das grös
ste Cameel so auff erden komen ist. Kunt ihr nu
das Cameel verschlingen/so habt ihr warlich ein
weiten schlung/vnd werdet wol mehr verschlin
gen/Gott helff euch.

Daraus folgt vnwiddersprechlich/das Docs
tor Martinus heiliger gedechtnis kein Adiapho
rist gewesen ist/vnd ihr rechte Adiaphoristen seit /
so des Antichrists Adiaphora angenommen/vnd
die selben/oder ander der gleichen dem Keiser zuge
fallen in ewrē Kirchen geordnet vnd auffgericht
habt/ das sey genug vom andern stück. Zum

Zum dritten/so greiffet D. Pfeffinger vns an
mit schüller an/vnd spricht hönisch vnd spöttisch
wie der heilige Geist vnd die fromen Christen pfle-
gen / wie schöne Jünger Lutheri sind das? nu
das fare hin/er spotte so lange als er kan/es wird
sich wol finden/ wer ein Christen oder vnchristen
ist. Aber das da folgt/da er spricht/das wir Doctri-
nam de Adiaphoris gantz verdamme vnd eitel nece-
ssaria daraus machen/das ist nicht war/vnd thut
vns vnrecht vnd gewalt/wir gebieten noch verbie-
ten sie/wir setzen vnd orden nichts/ wir legen nie-
mand eine bürde auff seinen hals/wie können wir
sie denn necessaria vnd damnabilia machen? mich
wundert das ir euch so trefflich hoch zu vns nö-
tigen mögt/vnd vns schuldt geben/ das ihr selbst
thut/ ihr willigt vnd nemet an des Antichrists ge-
bot von den Adiaphoris / machet dem Keyser zu
gefallen vñ gehorsam/ordnung vnd gesetz daraus/
gebietet sie zu halten/ vnd die weil wir solchs ni-
cht willigen wolln / so gebet ihr vns schuldt/ das
wir necessaria vnd damnabilia daraus machen? Nu
belan Gott wirds richten/das weifs ich furwar /
Gott straff vnd were dem/der vnrecht hat/ das bit
ich von gantzem hertzen.

Wir lassen die Adiaphora bleibē/wie sie sind/
Mitteldinge/das sie jemant heidet oder nachleffet/
schelten wir nicht/wir schelten vnd verdammen/
das man vmbß Keyseris wille gesetz vñ ordnung
daraus macht/sich mit den gebottē des Antichri-
stis zuergleichen vnd zuvereinigen /vnd das man
das Reich Christi mit dem Reich Antichristi ver-
gleichen will. Item das man auff beiden achseln
B iii tragen/

tragen woll / & in utraque partem claudicare Christo/
vnd dem Antichrist zu gleich dienen/ vnd neben der
reinen Lehr des Euangelij auch des Antichrists
statut vnd gesetz halten wil/solchs streiten vnd se-
chten wir vnd sagen/das niemand zweien Herrn
dienen kan noch soll/Damit machen wir aus den
Adiaphoris keine damnabilia/wie vns D. Pfe-
finger aus seinem heiligen Geist hönisch vnd spö-
tisch genug schildt vnd verdampft/sonder wir ver-
dammen/das man die Kirche Christi mit des An-
tichrists reich vergleichen will/das hat D. Mar-
tinus nie können noch wollen leiden/sonderlich zu
letzt für sein seligen abscheid/ da er (wie oben ge-
sagt) mit schriften vnd gemelden gewaltig bewei-
set hat/das das Papsthum vom Teuffel sey.
Darumb hat er des Römischen Antichrists Adia-
phora/wie gut sie auch sind/nicht wollen wider
aufrichten/wie ihr gethan habt/darumb er auch
mit euch kein Adiaphorist kan noch mag geschol-
ten werden / wie er denn in seiner grossen Postill
vber die Epistel am Dñertag klerlich schreibt/ das
man sich mit dem Papsthum nicht vergleichen
soll/Wer da will/der mags lesen.

Womit wil ich beschliessen/vnd D. Martinus
Gottseligen von der vnchristlichen vnd vnleidlich-
en auflag / das er ein Adiaphorist solt gewesen
sein/entledigt haben. Ich wil izund nichts wei-
ter verantworten/sonder andere die geleter vnd ge-
schickter sind denn ich/verantworten vnd anzeigen
lassen /wie die Characieres bestie/ wenn sie gleich
noch so gute Adiaphora weren/die gewissen be-
schweren/die heilige schrift fälschen vnd verkeren/
das

das Reich Antichristi mehren vnd fördern / das
Reich Christi schwachē hindern vnd vnterdrückē/
solchs alles werden die geleerten wol austreichen.
Eins wil ich noch sagen/Sie rhümē alle zugleich
sie haben Adiaphora oder Mitteldinge/so nicht
widder Gott streitten etc. widder auff vnd ange-
nicht/So wundert mich/warumb sie das verbott
der speise widderumb auffgericht/vnd angenom-
men haben/das man am Freitag vnd Sonnat
vnd andern fastelagen nicht soll fleisch feil habē/
denn essen mag mans woll/wie sie sagen / aber
feil haben darff mans nicht. Ist das nicht eine
schöne entschuldigung? Sollen sie sich nicht bil-
lich in ihr hertz sehen/ solche kindertedigung in
dieser groswichtigen sachen furzuwenden/ Aber
noch lecherlicher ist es/das sie sagen/es sey propter
politicum ordinem eingesatzt. Ach Gott von Hi-
mel/ wie spielt man so leichtfertig mit den armen
gewissen. Es ist offenbar/das der Antichrist das
verbott der speise Got zu ehren vnd dienst am frei-
tag/sonnat vñ ander fastelagen eingesatzt vnd
gebotten hat / Solch Teuffels verbott/ das im
Papstumb ein Gotsdienst ist vnd sein soll/haben
sie verwilliget/ angenommen/ vnd widder auffge-
richt/vnd eben an denselbigen tagen/daran es der
Römische Antichrist gebotten hat / Noch dürfen
sie hingehen/vnd sich rhümen/ sie haben Adia-
phora zur zucht vnd ordnung/vnd keinen Gots-
dienst angericht/Ist denn des Papis verbot von
der speise/vnd des Kaisers Edict ein Adiaphorum
oder Mittelding? Item/ist das nicht ein Gots-
dienst das mans am freitag helt/ Gott zu ehren /
vnd

vnd dienst/ das Christus vnser lieber Herr an
dem tag gecrentzigt vnd gestorben ist? denn dar-
umb ist eingesatzt/ vnd gehalten worden / vnd
drumb wils auch der Keiser itzt gehalten haben/
wie alle welt wol weis / vnd die handlung auff
dem itzigen Reichstage zu Augspurg Elerlich an-
zeigt/ Wie könt ihr denn sagen / es sey politicus
ordo? Dieraus sibet man Elerlich/ das solche A-
diaphora dem Keiser zu gehorsam sich mit den
Antichristischen Bischoffen zuuergleichē/ vnd ni-
cht vmb zucht vñ ordnung wille sind auffgericht
vnd angenommen worden / Denn wie kan das
Teuffels lehr vnd verbot ein Christliche zucht vnd
ordnung sein? Was ist auch fur ein zucht fisch
essen? Was ist für ein vnzucht fleisch essen mit
dancßsagung? Ich wils itzundt nicht weiter aus-
streichē/ wer ihm wil sagen lassen/ dem ist genug
gesagt/ Denn es ist gewis/ das man mit der Leip-
sischen ordnung/ vnd irer Ceremonien nichts ge-
sucht hat/ denn das man sich mit dem Antichrist
vnd seinem reich vmbß Keisers willen vergleichen
wil / auff das der Keiser ihren vnterthenigen ge-
horsam spüre vnd mercke/ wie das verbot von der
speise Elerlich anzeigt/ denn das ist ein mall war/
wen man auff die verbottene tage nur fische spei-
set vnd isset / vnd nicht fleisch/ ob man gleich xx.
oder xxx. essen gebe/ vnd süßen wein zu halben vñ
vollen süße/ so hette man gefastet/ vnd des Keisers
vñ Papis gebot gnug gethan/ darumb ist nicht
zücht vnd messigkeit/ sonder die vergleichung mit
dem Antichrist vnd seinen Mesbischoffen / damit
gesucht vnd gemeint worden/ Eine schöne zucht
vnd

vnd ordnung/fleisch soll man nicht feill haben /
aber essen mag mans woll.

Derhalben ist nu dis verbott der speiße wol der-
umb auffgericht vnd angenommen/das nur des
Antichrists wille geschehe vnd volbracht würde/
vnd also das sie mit der that vnd ihrer vergleich-
ung öffentlich bekennen/ das der Antichrist / vnd
sein Römischer stull nie geirret noch vnrecht ge-
than hat/wie er denn auch nicht will geirret noch
vnrecht gethan haben. Vnd solchs beweisen die
Ablaphoristen/auch in vnd mit der Lehr/das sie
vmbß Reisers willen / in articulo iustificationis das
wort Sola aussen gelassen haben / vnd nicht
mehr gebrauchen noch streitten wollen/auff das
sie sich mit dem Antichrist vnd seinen Sophisten
je gantz vnd gar voll dñlich vergleichen.

Wir wissen auch sehr wol/vnd dürffen Pfeff-
ingers vnterricht nirgent zu/das man von der iusti-
fication/on das Wort Sola wol deutlich vnd kler-
lich reden kan/wie denn nicht allein Lutherus im
büchlein/da er dem Cocleo Antwort/sonder auch
S. Paulus selbs gethan hat/Darumb ob das
Wort Sola in articulo iustificationis nicht allweg ge-
nent oder gebraucht würde / das were on gefehr.
Wer wolt solchs straffen? Aber mit fürsatz vnd
bedachtem Ratt mit dem Antichrist vmbß Reisers
willen sich zuvergleichen aussen zu lassen/vnd ni-
cht mehr streitten wollen/welchs wir alle mit vnd
neben Luthero heiliger gedechtnis / so hefftig ge-
stritten haben/das macht die sache verdecktig/vñ
gibt ursach der Papisten lehr widderumb auffzu-
richten/das der Glaub mit der Liebe recht fertige.

Darumb finds eitel vnnütze vnd vergebliche
wort / so Pfeffinger hie gebraucht/ihren Artickel

iustificationis zu entschuldigen/damit nur der arme
gemeine man auch die außserwelten/wens mög-
lich wer/verblent vnd verführet werden / das je der
man glauben/vnd dafür halten solt / Das solch
sein gewesen Luthers lehr vnd meinung gemess
sey. Dieweils nu ewer ernste meinung ist/wie Pfe-
ffinger mit viel worten sicht/ das der glaub allein
on die liebe gerecht vnd from mache/ Warum
habt ihr denn inn diesem fall (da man den Arti-
ckel des glaubens ordent/setzet vñ auffricht)das
Wort Sola/welchs die Messbischoff vnd Sophis-
ten in Articulo iustificationis nicht leidē wollen/auf-
sen gelassen? dieweils ein solchs wort ist/ darumb
man kempffet vnd streittet? Was thuts schadens?
wen hinderts? wen ergerts? on die Messbischoff?
Bekent ihr nicht hiemit vnd gebet euch selbst ge-
fangen/das ihr das Wort Sola nicht vmb zucht
vnd ordnung willē/auch nicht die reine lehr zu er-
halten aussen gelassen habt/sonder darumb/das
ihr euch mit den Antichristischē Bischoffen/wel-
che die reine lehr verdamme/vnd nicht leiden kön-
nen noch wollen / dem Keiser zugehorsam habt
vergleichen wollen.

Darumb mögt ihr euch mit ihn dem Keiser
zu gehorsam immer hin vergleichen / auff beiden
achselsn tragen/vnd zweyen Herrn dienen/ Chris-
to vnd dem Antichrist/ vnd neben der reinen lehr
auch des Antichrists Tradition vnd Ceremonien/
so er für Gotsdienste eingesetzt vnd geboten hat/
für ein Disciplin vnd zucht/annemē/auffrichten/
lehren/predigen vnd halten. Wir müßens gesche-
hen lassen. Wir aber können vnd wollen vns
mit dem Antichrist vnd seinen Messbischoffen
nicht vergleichen / Wir wollen nicht zu gleich
Christo

Christo vnserm lieben Herrn vnd sein Antichrist
namen / denn wir können das Reich Christi mit
dem Reich Antichristi nicht vergleichen.

Darumb dieweil ihr von vns gewichen seit/
vnd wir nicht von euch / vnd ihr mit vns eine vn-
gleichheit / vnd mit den Messpaffen eine gleichheit
angericht habt / So müssen wir euch faren lassen /
vnd Gott befehlen / Vnd dieweil wir vns ein mall
mit Gott vnd ehren vom Römischen Antichrist
abgesondert haben / So können wir vns zu ihm
mit gutem gewissen widderumb nicht keren noch
wenden. Vnd darumb wird vns kein frommer
Christ verdencken / Denn wir haben nicht gelernt
den Mantel nach dem winde zu hengen.

Ach Vñre Gott Himlischer Vater / Ein
Vater der Barmhertzigkeit vñ alles trostes/
Ich bitt dich durch Ihesum Christum deis-
nen lieben Son / vnsern Herrn / Du woltest alles
was falsch vnd vnrecht ist / tilgen vnd ausrotten /
vnd deine Göttliche warheit / die reine lehr des heis-
ligen Euangelij allein / Gnediglich erhalten / vnd
allem was dieselbige verhindert / oder vertunckelt /
steuren vnd werē. Vnd bitt dich Himlischer Va-
ter von gantzem hertzen / du woltest diesem Spiel
ein ende machen / Vnd ein mall den steuren vnd
weren / so sich mit dem Antichrist vnter dem schein
vnd namen Lutheri deines knechts / vergleichen vñ
vereinigen wollen. Bin ichs mein Herr vnd mein
Gott / der widder deine Lehr des Euangelij / sich et-
was fürzunemen vnterstehet / so schlage drein mit
Donner vnd Blix / das ich die ehre deins namens
nicht hindere vnd were / AMEN. Vnd aber A-
MEN. Denn wer bin ich / das ich widder dein
Wort

Wort mich auff lehnen solt? Denn du mein lie-
ber Herr Ihesu Christe weißt fürwar/das ich ni-
chts neues anfabe/mutire/noch andere/Sonder
bleib bey dem/was ich für x. xx. Ja für xxx. jarn
von Doctore Martino heiliger gedechtnis/deinem
ausserwelten rüstzeug gelernt habe. Ist vnrecht
so gehes mit mir in dieser stunde vnder/**AMEN.**

PSAL. 139.

Explora me Domine, Proba cor meum.

Proba me, & explora cogitationes meas.

Et uide, si uia iniqua in me est.

Et deduc me in uia certa, seu perpetua.

Diese beide Vers sollē am Jüngsten tag mein
Zeuge sein/das ich nichts suche noch begere/
denn dis einige stück/das vnser kirchen mit dem
Römischen Antichrist/vnd seinē schant Bischoff-
en nicht vergleicht noch vereiniget werden/ denn
das were/die Bestia angebetet/vnd das malzeichē
von ihr angenommen / das wir küssen vnd ver-
küssen möchten/da behüte vns Gott für/wollen
sie darüber ihre kirchen mit dem Römischen An-
tichrist vergleichen/das mögen sie thun / sie lassen
allein vns vngekrawet/ auff das sie nicht widder
gezwaget werden/vñ sonderlich/wo Doctor Tel-
lerlecker/als ich mich düncken lasse/der Deerführer
ist/so sol seine vnd seins Herrn Historia von dieser
sache für vnd nach dem Kriege/so an tag gebracht
werden/das jederman vnd er selbst sehen vnd hö-
ren soll/das wir nicht stöcke vnd klörze sind/son-
der eigentlich wissen vnd verstehen/was der Teuf-
fel/vnd seine schupen im sün habē/vnd in Sum-
ma / wir wollen sehen/wer ein andern zu ein A-
diaphoristen machen wirt / da zu geb Gott seine
Gnade / **A M E N.**

Das Doctor Wo-
mer vnd Doctor Maior mit iren
Adiaphoristen ergernis vnd zur-
trennung angericht / Vnd den Kirchen
Christi / vnüberwintlichen scha-
den gethan haben.

Derhalben sie vnd nicht wir zu Magde-
burg vom Teuffel erwegt sein / wie
sie vns schmehen vnd lestern.

Niclas von Amendorff Exul.

Psalm. 4.

Lieben Herrn / wie lange sol meine ehre ge-
schendet werden / (vernim durch Menschen
treume vnd tradition) Wie lange habt jr das el-
tel (vernim das Interim) so lieb / vnd die lügen
(vernim die newe Leiptzigische ordenung) so
gern.

Psalm. 5.

Du bringst die lügner vmb / der Herr hat
ein grewel an den blutigigen vnd falschen.

Anno 1551.

S gehet vns hertz Wagede

Ebrigt/ eben wies Doctor Martinus heiliger gedechtnis/ mit Leolampadio ging. Derselbige vnd sein gesell Zwingel/ singen an den Leiff vnd zamel vom Sacrament/ vnnnd sprachen darnach/ Doctor Martinus machte zanel vnd hader/ als einer der keinen fried halten künne noch wolte. Nu brachten sie vnnnd Doctor Karlstat von erst die alte kerzerey vom Sacrament herfür/ vnd verredigeten sie mit viel schriften/ ehr Doctor Martinus ein wort widder sie sagte oder schrieb. Da sie nu so hefftig on auff hören trieben/ muste Doctor Martinus heiliger gedechtnis/ aus grosser not/ vnser Christliche Lehr vom Sacrament verretten/ widet sie schreiben.

Da wurden sie zornig/ vnd begerten von ihm/ ehr solt vmb Christlicher liebe willen stille schweigen/ vnd friede halten/ Dieweil chrs aber mit gutem gewissen nicht thun kont noch solt/ nach dem es die reine Lehr vom heiligen Sacrament betraff/ da sagten sie/ ehr richte vnfride/ ergernis vnnnd trennung an/ Schaben also die zwitrachte vnnnd vneinigkeit/ so sie angefangen hatten/ auff Doctor Lutther heiliger gedechtnis.

Eben also thun auch izunt mit vnns D. Pomer vnnnd Georg Maior/ sie haben mit ihrem Interim vnnnd newer ordnung/ grosse ergernis/ trennung vnnnd spaltung angerichte/ die Kirchen zu rüttet vnd geergert/ die gewissen verirret/ vnnnd solchen schaden gethan/ das die Kirchen Christi/ nimmer mehr vberwinden werden/ Vnnnd dieweil wir solchs nicht haben willigen noch annehmen können/ sondern aus höchster not der Christlichen Kirchen vnnnd gewissen halben/ ihn haben einreden müssen/ so sint sie bitter vnd böse worden/ vnnnd geben vns schuld/ das wir zertrennung

1
nung vnnnd spaltung angericht haben / Vnnnd ist des
schmeckens vnd lessens kein mas noch ende / in allen jhren
schriffen müssen wir behalten vnnnd gescherdet werden /
das wir trennung vnd spaltung anrichten / vnnnd ist jhres
schmeckens vnd entschuldung kein auff hören / wolle in allen
dingen recht vnd wol gethan haben. Darumb werde ich
nursache / ihn jhren deckel abzuziehen vnd vnser vnschuld
an tag zu bringen / das ihr heuchlen vnnnd liegen jederman
kunt vnnnd offen bar werde / vnnnd sage das sie vns gewalt
vnd vnrecht thun / vnnnd können nimmermehr beweisen
noch nachbringen / das wir trennung vnd spaltung ange-
richtet haben. Denn wir haben nichts neues angefangen /
nichts mutirt noch geändert / Sie sind von vnns zum
Bapst / vnd wir nicht von ihn gewichen / Sie haben sich
von vnser Lehr vnd Religion gesondert vnd neue muta-
tiones vnnnd ordnung in jhrem Interim gesagt vnnnd geor-
dent. Vnnnd damit nicht allein vor sich zwitracht vnnnd
spaltung angericht / sondern auch ider man zum abfal bes-
wege / vnnnd die jenigen so ihn eingered haben / verdampft /
vnnnd dem Teuffel gegeben / eben wie die Papisten alle zeit
den Christen gethan haben. Wir aber sind stille gesessen /
nichts genewert / alterirt noch verendert / vnnnd sind von
vnser erst empfangen Lehr vnnnd Religion nye gewichen
noch abgefallen / Darumb können wir kein ergernis / spal-
tung noch trennung angericht haben.

Solten wir damit ergernis vnnnd anstos machen /
das sie inn jhrem Interim von der Lehr vnnnd Religion / so
sie vber 11. jar für Christlich geacht / vnnnd mit vnns zu
gleich gehalten haben / abgefallen sind ? Solten wir da-
rumb ergernis vnd trennung anrichten / das sie die alten
wolgeordneten Ceremonien abgethan / vnd neue an ihre
stat geordnet / vnd eingesatzt haben ? Solten wir damit er-

gernis / trennung vnd spaltung anrichten / das wir bey der
entpfangenen Lehr vnd Religion bleiben vnd beharren?
Soltent wir damit trennung vnd spaltung machen / das
wir von den Ceremonien Jesu Christi vnser lieben
Herrn / nicht weichen wollen? Soltent wir damit ergernis
vnd zwittracht anrichten / das wir ihre menschen treume
vnd tradition nicht wollen annemen? Noch seind sie so
frech / klün vnd vnnerschempt / das sie von vns sagen vnd
schreiben / wir können keinen fried halten / haben trennung
vnd spaltung angerichte.

Pomer vnd Maior rhümen sich der einigkeit
vnd grossen frides / grossen nutz vnd frommen so sie der
Kirchen geschafft haben / so sie doch die reine Lehr vom
glauben / Sacramenten vnd der Bus verfälschet / des An-
tichrists Gotsdienst widerauffgericht / newe tradition er-
dacht / vnd alles inn ihrem Interim mutirt vnd geändert
haben. Heisset das fried vnd einigkeit gehalten? Kan man
damit nutz vnd frommen der Kirchen schaffen? So ist
gewis war / das Georg Maior vnd seine gesellen die besten
vnd nützeften Diener der Kirchen sind auff erden. Die
weil aber da durch nur vnfrid vnd zang entstehen / die Kir-
chen zutrennet vnd zutrübet werden / so folget vnwider-
sprechlich das der Maior mit seinen Adiaphoristen nicht
anders den trennung vnd spaltung angerichtet haben /
So wir dagegen mit vnser bekentnis vnd bestendigkeit hie
zu Magdeburg mit grosser fahr die ganze Christenheit
vnd sonderlich vnser Kirchen bey reiner Lehr erhalten.

Vom Pomer wollen wir darnach reden / jzt frage
ich Georg Maior / Wer wil das wort (Sola) im Artikel
der iustification / jzt so es am höchsten von nöten ist / mi-
cht streiten? Wer schreibt das der glaub furnemlich selig
mache / gute werck zur seligkeit nötig sein? Daraus folgen
wil

nd das die liebe mit dem glauben/ den menschen from vnd
gütliche mache? Wer hat den Antichrist für den Obersten
Bischoff der Christlichen Kirchen angenommen? Wer
hat den Antichristen Messiaschiff für seine ordinarios pa-
tronen? Und dann angenommen? Wer hat die Diener des
Evangelij den Wölffen unterwölffen/ das sie sich von
ihnen sollen schmecken vnd weihen lassen? Wer hat das ver-
boten? Das man auff der Freitag vnd Sonnabend
nicht sol Fleisch essen/ oder feil haben/ angenommen? vnd ge-
willigt? Wer hat zu neu speziale Messe der alten Op-
fermesse ganz gleich angerichte vnd geordnet? Wer hat
sich mit dem Antichristlichen Stuhl zu Rom vnd seinen
Messiaschiffen vergleichet vnd vereinigt? Wer hat die
prediger zu Torgau vnd andere mehr/ das sie auff die
magation vnd neuen Cerimonien gepredigt haben/
abgesetzt vnd verurteilt? Haben wir zu Magdeburg
gehan? Haben wir solche newernung angefangen? Ha-
ben wir die alten Cerimonien mutirt vnd geendert/
vnd neue geordnet? Wie können wir denn trennung vnd
spaltung angericht haben/ wie vns Georg Maior schene-
lich anleget?

Er spricht/ im vnnötigen dingen sol man keine
trennung anrichten/ sondern frie vnd einigkeit halten.
Solen wir/ spricht er im seinem Buch/ vmb des Chorro-
et oder Messgewands willen spaltung vnd trennung an-
richten/ da behüte vns Gott für/ ja wol behüt/ hat er doch
zu erst mit dem Chorroet sich von vns gesondert vnd sol-
che spaltung angefangen? Vnd im vnsen Kirchen dar-
inne gut frie vnd einigkeit war/ trennung angericht?
Dieweil wir nu inn sein Fuchschwertzen nicht willigen/
noch seiner heuchelei folgen wollen/ so müssen wir die
zwische vnd spaltung angericht haben.

Wir wissen wir sehr wol/das der Chorrock nichtes
ist / So wissen sie auch sehr wol/wenn sie es sonst wissen
wollen/das wir umb den blossen Chorrock nicht streiten/
sondern darumb das es der Papst haben wil/das wir mit
im inn allen seinen Ceremonien seilen sein/das wir wol
len wir nicht thun / sollen und können auch nicht thun/
wir wolten denn aus dem Reich Christi sein und das Antichristi
Reich trennen / Solche wissen sie auseinander wissen
wol / noch darff der Schrifftboech der Georg Maior
sagen und schreiben/das wir in geringen vnd geringen
gen spaltung vnd trennung anrichten / die er doch selbst
mit dem Chorrock angerichte vnd angefangen hat/
Warumb hat er solch geringe mittel vnd vnsäug derg
vmb friedes willen nicht nach gelassen / Worumb hat er
mit einem solchen vnnützen mittel dinge da nichts angelei
gen ist/den zancf vnd hadder mit vns angefangen?

Nu hat er nicht allein in diesen geringen dingen
als der Chorrock vnd dergleichen ist/sondern in den höch
sten vnd wichigesten sachen des glaubens/den zancf vnd
hadder angefangen. Es were denn ein geringe vnnötig
ding / das Georg Maior den Antichrist angebett / vnd
sich mit ihm verglichen hat? Es were denn so ein geringe
vnnötig ding / das Georg Maior das malzeichen vom
Thier an sein stirn vnnnd hand genommen hat / auff das er
kuffen vnd verkuffen mag? Ist das so ein geringe ding/
das Georg Maior des Antichristi Nesebischoff für seine
ordinarios pastores erkant vnd angenommen hat? Sol
chs können vnnnd sollen wir nicht billichen / willigen noch
annemen / Darumb müssen wir den zancf vñ hader ange
richt haben/ wir wollen oder wollen nicht.

Dise seint auch die vrsachen / darumb wir mit ihm
fechten vnd streiten/ welchen streit sie vnd nicht wir ange
fangen

singen haben / Denn sie das Interim vnnnd die newe ord-
nung von erst geschrieben haben / derhalben wir sie ange-
sehn haben / nemlich darumb / das sie die Wolffe vber
die Schaff Christi zu hircen gefast haben / darumb das
sie sich mit dem Antichrist vnd seinen Mesobischoffen
verglichen haben / darumb das sie das wort Sola nicht
stretten. Das seint nicht geringe vnnötige mitteldinge / son-
dern die höchsten hochwichtigsten vnd nöthigsten dinge /
welche sie inn ihrem Interim wider vnser reine lehr des
Christlichen glaubens / gefast / geordnet / gewilligt / vnnnd
angenommen haben / welche wir on vürlegung vnser ge-
wissen nicht haben können willigen noch annemen / vmb
der selben hochwichtigen dinge willen / vnser Kirchen bey
der reinen lehr zu behalten / haben sie vns aus höchster not
wider sie zu schreiben gedungen.

Denn wir wollen ob Gott wil vom Antichrist gar
nichts vberal annemen / vnnnd wens viel weniger denn ein
Chorrock wehr / Wir wollen mit ihm nicht eins sein / vnd
gar keine gemeinschafft mit im haben / vnd inn seiner Kir-
chen nicht erfunden werden / Sondern wir wollen die Re-
gel vnnnd lehr des lieben Johannis halten / da er spricht /
Geht aus von ihr mein volck (das ist von Babilon der
Römischen Kirchen) das ihr nicht teilhafftig werdet ihrer
Sünden / auff das jr nicht empfahet / etwas von irer pla-
gen / denn ire Sünde reichen bis in den Himmel / vnd Gott
gedenckt an ihren freuel / etc. Nach dieser warnung vnnnd
lehr wollen wir vns halten / vnd wollen kein Chorhembd
anziehen / keine Messe halten sehen / noch hören / denn wir
wollen vns mit dem Antichrist nicht vergleichen / noch
mit ihm eins sein / wollen von der Babilonischen Zuren
vnd ihrem Thir das sie jzt trege / kein malzeichen an vns
ser Stern nemen / sondern so lange er Christi vnfers lieben
Herrn

hertz feind ist vnnnd bleibe / wollen wir auch seine feinde
sein vnd bleiben.

Nu las ich freunde vnnnd feinde richten / ob dieß
stuck darumb wir zanken vnd haddern / geringe vnnnsüßige
mittel dinge seint / oder ob es hochwichtige vnnnd nöthige
sachen seint / dem Antichrist vnnnd seinen heuchlern zu wi-
derstreben. Worumb geben sie vns denn dem Teuffel / dies
weil wir wider den Antichrist vnnnd seine Gottlose Interim
fechten vnd streiten ? Worumb heißen sie vns newe Pro-
pheten / die weil wir nichts newes lehren noch angefangen
haben ? Georg Maior vnnnd seine gesellen / haben im Leip-
zigischen Interim newerung beide inn der lehr vnd Care-
monien angefangen / vnnnd nicht wir / Darumb seint sie
warhafftig die newen falschen Propheten / so die welt ver-
führen sollen / Sie vnd nicht wir haben Teuffels lehre an-
genommen vnd gewiligt / darumb hat sie vnd nicht vns der
Teuffel erregt.

Derhalben wer vns zeihet / das wir trennung / spal-
tung vnd ergernis angericht haben / der thut vns gewalt
vnd vnrecht.

Wer het aber gemeit / das Georg Maior so ein
giftiger heuchler gewest were / das er vuschuldige leut / die
Diener der Kirchen zu Magdeburgk on allen grund vnnnd
ursach / so het schmeihen vnd lestern sollen / das er den krieg
vnnnd zank vom Chorrock von sich auff vns schieben sol-
te / so er doch vnnnd seine gesellen den Chorrock von erst wi-
der gezogen / vnnnd den haddert erregt haben. Wars doch
seint still / vnnnd guter fried vnter vns / worumb haben sie
vmb eins nichtigen geringen dings willen / den Chorrock /
da nichts angelegen ist / den fried gebrochen ? Worumb
woltten sie mit des Antichrists Kirche lieber eins sein / denn
mit der Kirchen Christi ? Worumb woltten sie vns lieber
zu feinde.

zu feinden haben den die Biſſchoff? Aber es iſt kein wun-
der/es ſeind leute die gelt vnd gut verachten. Vnd dieweil
wir gros gelt vnd gut/land vnd leute haben / ſo fragen ſie
nicht viel nach vns/ darumb ſeind ſie nicht zuuerdencken/
das ſie von vns gewichen / vnd vnſer feinde worden ſind.

Aus dem vorigen folgt weiter/das alles/was Ge-
org Maior widder vnns ſchreibt / das ſchreibt er widder
ſich / vrteilt vnd verdampft ſich ſelbſt. Denn ſo ſchreibt er
im xij. Sermon an Rat zu Nersburgt (Was aber fur ein
irgernis des Chorrock's halben/zu dieſer zeit erregt/iſt ied-
menniglich wiſſentlich / vnd wer vrsach dazu geben hat/
das wird zur ſelben zeit fur dem richtſtul Chriſti / gerichtet
vnd geurteilt werden) Dieſe wort damit er vns ſticht vnnd
verdampft/treffen in ſelbſt/ vrteilen vnnd verdammen in.
Denn wie geſagt / er hat dieſen zant vnnd hader mit dem
Chorrock angefangen/denn da es ſtil vnd guter friede vn-
ter vnns war / da zoch er den Chorrock mit ſeinen geſellen
an/vnnd nötigt die andern auch dazu/gleich als wers ein
artickel des glaubens / wolt also mit vnns nicht eins ſein/
ſondern ſünderte ſich von vns abe / vnnd wich zum Anti-
chriſt vnnd ſeinen Meſſbiſſchoffen / mit dem wolt er eins
ſein/vnnd ihnen zu ehren vnnd gefallen / hat er dieſe ſpal-
tung vnd trennung angericht/ das ſie des Papſt hauffen
größer vnnd höher geacht haben / denn vnns das kleine
heufflein/ darumb ſchreibt er/je neher je beſſer.

Ich möchte auch gern die vrsach wiſſen/ worumb
er vns die newen Propheten ſchilt/ vnnd leſſert? Wir blei-
ben/ſie bey der alten Lehr vnnd Religion/des heiligen E-
uangeli/ vnd ſind nye da von gewichen / haben auch ni-
cht ein harbreit vorendert/nichts news angefangen/noch
iſt er ſo kün vnnd frech / das er vns die newen Propheten
ſchelden darff/So er doch ſelbſt ein rechter newer vnd fal-
ſcher

scher Prophet ist / der ein new vnerhört vnnnd vnmüglich
dinc ansehet / nemlich das er wil zugleich ein Christen sein
vnd auch ein Papist / Vnd wil zweien Herrn / Christo vnd
seinem Antichrist zu gleich dienen vnd lieben / sie beide Chri-
stum vnd Belial ehren vnd anbeten / Die feindschafft zwis-
schen der Schlangen vnd Weibes samen auff heben / vnd
also das Creutz vnnnd die verfolgung vom Euangelio gar
weck nemen / das ist mein ich / ein rechter newer falscher
Prophet / der ein solch newe vnmüglich ding ansehet / wie
Christus vnser lieber Herr sagt / Niemand kan zweie Herrn
dienen.

Trotz sey ihm geboten / das er vns auch ein vrsach
also anzeige / worumb er vns newe Propheten schilt / wie
wir ihm angezeigt haben / das er wil zu gleich ein Christen
vnd ein Papist sein.

Vnd dieweil wir ihm in solchem vnmöglichen vnd
vnchristlichen stück / nicht haben folgen wollen / so hat er
vnd die seinen / mit vns ein hadder vnd zancf angefangen /
vnd gibt vns die schuld / das wir spaltung vnnnd trennung
gemacht haben. O du frommes kind. Tu vnser Herr
Ihesus Christus der wirdts finden vnd richten / wir wol-
len ihm mit S. Paulo antworten. Ist jemand vnter euch
der lust hat zu zancfen / der wisse / das wir solche weise nit
cht haben / die gemeine Gottes auch nicht.

Dieweil er auch im selbigen Sermon mit hefftigen
worten / diese sache dem Herrn Christo zu richten vnnnd er-
kennen heim gegeben / vnnnd diesen zancf vnd hader ange-
fangen hat / so hat er warlich ein schwer gestrenge gericht
vnd vrteil auff sich geladen / vnd mag zusehen / wie er das
verantworten wil / das er von vns zum Antichrist gewis-
chen / vnd sich mit ihm vnnnd seinen Messbisschoffen des
Chorrocks etc. halben / vergleichen vnd vereiniget hat / da-
durch

durch er diese trennung vnnnd spaltung erregt hat/ Vnd ist von ihm ein grosse leichtfertigkeit / das er in einer solchen bösen sachen/ sich auff Gottes gericht beruffen darff. Er thut auch gleich wie er vor auch gethan hat/ das er die jes nigen/ so er vorhin in Gottes acht gethan / jzt am höch sten lobt vnnnd erhebt/ spilt also mit vnserm Herrn Gott/ gleich ob er ein göckelman were / on zweiffel vmb des heiligen Geists/ vnd kein gewinst willen.

Derhalben wird er billich für ein neuen heuchel Propheten geacht vnd gehalten/ das er Gott vnd Belial/ Christum vnd sein Antichrist/ die Christen vnnnd Papisken hat vergleichen vnnnd vereinigen wollen/ Wie er sich denn mit ihn / seins bedünckens verglichen hat. Solche neue Gottlose vnnnd vnnmögliche ding/ haben wir nicht angefangen/ sondern er/ wie oft gesagt/ hats angefangen vnd gehet dauon / vnnnd wisschet das maul/ vnnnd spricht darnach/ wir zu Magdeburgk habens gethan. Worumb denn? Darumb das wir nicht thun wollen/ was der neue heuchel Prophet haben wil.

Er wil vnnnd heist vns in seinem Interim den Antichrist anbeten / vnnnd dieweil wirs nicht thun wollen/ so müssen wir zanker vnd keiffer heissen. Das sind mein ich/ fromme kinder / die alle schande / ergernis vnnnd laster anrichten / vnd darnach auff ander leute schieben vnd legen. Gott gebe das sie es erkennen. Er solt freilich vmb eins solchen geringen vnnnötigen mittel dinges willen / als der Chorrock ist / sich von vns nicht abgesündert vnd getrennet haben/ so hette er die regel Augustini ad Ianuarium so er in gedachten predigten anzeucht/ recht gehalten. Aber er musste sich mit den Messbischoffen vergleichen/ ich kan wol dencken vmb Christus willen / der den Chorrock vnd die Messe eingesatzt vnd gestufft hat.

Vnd wiewol aus dem Leipzigerischen Interim kunt
vnd offenbar ist/ das Doctor Maior sich mit dem Papst
vnd seinen Mesbischoffen verglichen hat/ den Papst
fur den obersten Bisschoff / vnd die andern Bisschoff fur
seine ordinarios pastores erkant vnd angenommen hat/
vnd das wort Sola nicht mehr streiten / vnd also ganz
vnd gar von vns ins Papsthum gewichen vnd getre-
ten ist. So schreibt er doch öffentlich vnuerschempt/inn
seinem Buch an König von Engeland / das er von der
reinen Lehr nye gewichen noch abgetreten / sondern stet
dabey geblieben sey. Vnd ob er wol daselbst vnd sunst sich
der reinen Lehr rühmet / so ist doch eitel heuchelei / die
weil er mit der that da widder thut/ Nemlich/das er wid-
der Gottes wort / geist vnd glauben / sich mit dem Anti-
christ verglichen vnd vereinigt hat. Denn wie kan er sein
bekentnis der reinen Lehr / von hertzen vnd mit ernst mei-
nen/ dieweil er des Antichrists Gottes dienste widderumb
auffgerichtet hat. Die reine Lehr so er vmmert rühmet vnd
im maule hat / leidet nicht das man mit dem Antichrist
eins sey/ vnd friede mit ihm habe/ Non ueni mittere pa-
cem &c. Sie leidet inn keinen weg/ das man den Wolff
fur einen pastor vnd Hirten erkent vnd annimpt / Die rei-
ne Lehr leidet nicht / das man auff beiden achffeln trage/
vnd beiden Herrn/ dem Herrn Christo vnd sein Antichrist
diene.

Darumb hilfft ihn sein bekentnis nicht/es hilfft ihn
sein rühmen nicht vmb ein harbreit / er mus ein abtrünni-
ger Mammeluck sein vnd bleiben / er bekenne denn vnd
widderuffe sein irthum öffentlich. Vnd ist ein wunder
das D. Maior in seinem Buch / an König von Engeland/
seinen irthum vnd abfal/ so theur vnd hoch ver-
leugnen vnd entschuldigen darff/ Dar er schreibt/er sey von
der Aug

der Augspurgischen Confession nye gewichen / er wolle
auch nimmermehr davon absalt noch weichen / so ihn
doch das Leipzigerische Interim hel vnd klar vberzeugen
vnd vberweisenet / auch die that an viel ertern. Darumb ist
vergeblich vnd ein vnnütze ding / das er alle Christen vmb
Gottes willen bit / das sie den lügen schriftten vnnnd gemelz
den nicht glauben wolten / die da sagen / das er von der rei-
nen Lehr sey abgefallen / das Papsthum widerumb auff
zurichten / vnd damit das volck von Christo zu füren / dis
sind seine word damit er vns sticht / vnnnd sagt weiter von
vns / die durch ihre heucheley vnd ertichte bestendigkeit /
die Kirchen zurütten vnd betrüben. Hæc Maior vnges-
salich.

Nu ist ein wunder / das Georg Maior sein absal
so offentlich verleugten darff / so doch sein absal im gan-
zen Reich vberall kunt vnd offenbar ist / Diweil er denn
den absal so oft verleugent / so mus ich auch so oft das
nich selbst verdreust / seine absal repetirn. Ist das kein abs-
sal von der Augspurgischen Confession / das sie das wort
Sola nicht mehr streiten ? Ist das Christum nicht ver-
leugent / das sie den Antichrist anbeten / ihm vnterthenig
vnd gehorsam sein ? Ist das kein absal vnd verleugung
Christi / das sie die Diener des Euangelij dem Antichrist
unterworffen haben / das er sie ordinirn vnd weihen sol ?
So ehr doch vnnnd seine Bischoff niemandt denn zur Op-
fermesse schmirn vnd ordinirn ? Das Georg Maior sol-
ches alles gethan gewilligt vnd angenommen hat / ist durch
die ganze Deudsche Nation kunt vnd offenbar.

Derhalben er auch da durch von der reinen Lehr des
heiligen Euangelij abgefallen vnd abtrünnig worden ist /
vnd hat Gott vnd seinen Christum verleugent / vnnnd wo
er diese ernste schrift vnnnd vermanung nicht zu hertzen

nimpt vnnnd sich bekert / so wird er wol ein abtrünniger
Mammeluck bleiben/ er purz vn̄ schmück sich wie er wol
le. Wir schreiben dis nicht aus furwitz oder widerwillen/
das mag er freilich glauben. Dürfften wir vn̄sern Christli-
chen namen/Gottes wort vnd ehre nicht retten noch ver-
tedigen/vnd auch nicht gerne sehen/das sie sich erkennen/
so solt diese schrift wol nach blieben sein.

Es stünde ihm auch wol an / das er die heucheley
die er vns aufflegt inn specie anzeigte / wie wir ihm seine
lügen vnnnd heucheley angezeigt haben / sonst denck jeder/
man/ehr rede solchs wider vns / aus lanter bösheit/ neid
vnnnd haß/so in ganz verstockt vnd verblent hat / Vnnnd
das er in seinem hertzen nicht guts von vns denckt/zeigen
seine wort an /das er vn̄ser bestendigkeit so schmehet vnnnd
lestert/vnd sie ein ertichte bestendigkeit heisset / on zweiffel
vmb des grossen gewins willen / den wir dauon haben/
Creutz vnd verfolgung / vnnnd seinen schentlichen abfall/
so kein mensch loben kan/so entschuldiget/lobet vnd preiset
in ganz vnnnd gar/ verleugent/ vnnnd fur ein dienst vnnnd
nuz der Kirchen achten vnnnd halten darff/Gott were dir
Sathan.

Das er aber inn seinem Buch an den König von
Engeland widder den Papst vnd die Messe schreibt/ das
ist/ vnnnd kan nicht sein ernst sein. Denn wo es ihm von
hertzen ginge/ vnnnd sein ernst were / widder die Messe zu/
schreiben/so würde er inn die newe Messe/so der alten Op-
fermesse ganz vnnnd gar gleich ist /nicht gewilligt noch sie
angenomen haben. Des gleichen wo er mit ernst auß
rechtem glauben widder den Papst schriebe / so würde er
den Papst fur der Christen obersten Bischoff nicht erkant
noch angenommen haben / darumb seints eitel wort vnnnd
gedern / was er schreibt. Daraus erscheint / das er nicht
vmb

umb der warheit willen / sondern umb grosses gewinst
willen / so er von einem solchen mechtigen König hoffet /
wie das die lange praefatio vnd das lob / vnd historien der
Könige zu Engellant wol zuuerstehen geben / geschrieben
hat. Die weil er vnter dem Antichrist inn seiner Kirchen
sein wil / so kan er vnter Christo inn seinem Reich nicht sein
noch bleiben / Darumb kan er auch von Christo vnd seiner
Kirchen / nichts mit ernst reden noch schreiben. Denn es
siehet geschrieben / Niemand kan zween Herrn dienen.

Das er aber widder den Papsst vnnnd die Messe zu
schreiben sich jzt vnterstande hat / das macht / das der
wind aus dem vorigen loch weinig wermer bleset / denn
fürm jare / darumb henge er seinen mantel darnach / das
er für ein meister gelernet hat.

Vnd das solchs war sey / so halt man sein schrift
an die Behmen fürm Kreige / vnnnd die erste praefation vber
sein Psalterlein gegen der Adiaphoristen schriften / vnnnd
sonderlich gegen dem Gründlichen bericht der hendel / so
wird man seine bestendigkeit wol spüren vnd finden. Denn
die erste praefation hat er jzt geendert vnnnd viel außgelaß
sen / damit er jederman zuerkennen gibt / das er inn den
jzigen oder vörigen schriften / wider sein eigen hertz vnnnd
gewissen gehandelt hat / wie denn dasselbige nach der len
ge / wils Gott bald an tag komen sol.

Er schreibt auch / wir stehen jm nach leib vnnnd le
ben. Ist er erlich vnd redlich so zeig er ein wort oder geber
de von vnns an / daraus man ein argwon nemen möcht /
das wir ihn zubeschädigen dechten / so sol er war geret ha
ben. Wird er aber das nicht thun / so hat er vns bößlich
angelogen. Eins wisse wir wol / das der heilige geist inn
seiner schrift die jenigen lügner vnnnd bluthunde heisset / so
menschen traidtion lehren vnnnd vertedigen / wie sie thun.
Darumb

Darumb mögen sie zusehen/ das sie dieser titel/lügner vnd
mörder nicht betreffe/des wir sicher vnd gewis sind/denn
wir lehren noch vertedigen kein menschen tradition. Wir
wissen Gott lob auch wol aus der heiligen schrifft / das
wir die falschen lehrer vnser feinde nicht beleidigen sollen/
wedder an leib vnd gut/aber das gebürt vnns/den Wolff
an zu schreien/vnnd wider ihn zu bellen/das wir nicht als
vntrewe vnd stumme hunde erfunden werden / die Chri-
sti vnser lieben Herrn Schafe den Wolff fressen / vnnd
aus dem Reich Christi ins Papsthumb / vnnd des Antis-
christis Reich führen lassen.

Hat Georg Maior aus furcht vnnd menschlicher
schwachheit gesündigt / so wird er dis schreiben nicht ver-
achten/ sonder sich erkennen vnd bekeren/vnd hinfort sich
nicht mehr entschuldigen/wo nicht so fahr er hin/wir ha-
ben einen richter/der wirts wol finden.

Wollen wir besehen/was Doctor Pomer vñ vns
auff der Cangel sagt/ vnd in seinem buch vonden
vngedorne kindern schreibt. Er gibt vns vierley
schult. Erstlich spricht er/der Teuffel hab vns erregt / wir
tun den Kirche grossen schade/wir halten keine fried/vñ
machen das die Christliche prediger verriagt werden / Ich
meine er hab das maul weit genug auff gethan / wider die
vnschuldige diener Christi/Denn er kan nicht einen einigen
falschen / odder irrigen Artikel ihrer lehr vnd predige be-
weisen noch anzeigen / vnnd darff gleichwol offentlich
schreibē/der Teufel hab sie erweckt / Kompt solch erdicht
vnd mutwillig schmeihen vnnd lestern vom heiligen geist/
das lass ich sie selbst richten vnnd jederman erkennen / ob
Doctor Pomer von GOTT solche lester wort zu reden er-
weckt sey.

Auffs erst das er sagt / der Teuffel hab vnns er-
weckt/

weckt/sage ich kurz/ bieweil wir wider den Teuffel vn̄ sein Reich/ wider den Antichrist vn̄d seinen Römischen hoff aus der reinen Lehr der heiligen Euangelij streiten vn̄d temppfen/ vn̄d kein irriger falscher Artickel wider vn̄sern heiligen Christlichen glauben inn vn̄ser Lehr vn̄d Kirchen gefunden wird / So können wir je vom Teuffel nicht erweckt sein. Wie solt der Teuffel vns wider sich selbst/ vn̄d sein Reich erwecken? Die der Teuffel erweckt/ die fordern des Antichrists Reich / vn̄d helfen das Papstthumb bauen vn̄d widerumb auffrichten.

Darumb solt Doctor Pomer billich anzeigen / wo mit/ vn̄d in welchem stück wir des Teuffels vn̄d seins Antichrists Reich förderten vn̄d bestetigten. Bieweil er aber solchs nicht thun kan/ so solt er des schmeichens vn̄d leßterns vns vberheben / vn̄d bedechtiger von vns reden vn̄d schreiben.

Wie weiß ich das Spiel vmb Karte/ vn̄d spreche/ das Doctor Pomer mit seinen Adiaphoristen/ so das Leipzig/ sche Interim geschmiedet haben/ vom Teuffel erweckt weren? Denn das Interim vn̄d die newe ordnung / richtet nicht in einem stück vn̄d Artickel / sondern inn vielen/ ja schier inn allen/ das Papstthumb wider auff/ damit sie des Teuffels vn̄d seins Antichrists Reich stercken vn̄d bestetigen. Ist der von Gott erweckt/ der des Teuffels Lehr das verbot der Speise / willigt vn̄d annimt? Das man am Freitag vn̄d Sonnabend nicht sol Fleisch essen oder sell haben/ welchs der Antichrist für ein Gottesdienst geordnet/ eingesetzt/ vn̄d jederman zu halten geboten hat? Sind die vom heiligen Geist erweckt / so im Artickel von der iustification / inn solcher noth vn̄d großem Kampff wider die Messbuchhoff/ das wort sola nicht streiten wollen? Ist der von Gott erweckt / der das Interim im predigen nicht

C

nennet/

nennt noch wil nennē lassen / ja verbeit da wider zu predi-
gen? Sind die vom heiligen geist / die aus der communio
populi / ein Messe / ein Spectakel oder Kirchen geprenge
machen / wie sie inn ihrem Interim gethan haben?

Vnnd inn Summa / es ist on not alle stück vnnd
Artickel zuerzelen / damit sie den Antichrist angebetet ha-
ben. Es können die inn keinem wege vom heiligen Geist
erweckt sein / die durch ihre newe ordnung vnnd Caremo-
nien, mutation vnnd enderung / des Teuffels Reich / das
Bapstthumb / fördern / stercken / bestetigen / vnd widerauff-
richten. Sie lass ich richten Himmel vnnd erde / welchs teil
von Gott odder dem Teuffel erweckt sey / Die zu Magdes-
burg / die wider den Teuffel vnd seine Antichrist / wider des
Teuffels Reich / den Römischen hoff / vnd seine Caremo-
nien lehren predigen vnd schreiben / Odder die zu Witten-
berg / so inn ihrem Interim odder newen ordnung / dassel-
bige alles wider Gott vnnd sein wort vertedigen / schützen
vnd hanthaben.

Zum andern / sagt Doctor Pomer / wir thun der
Kirchen grossen schaden. Tu stünde es einem alten Do-
ctor sehr wol an / das er anzeigte / womit wir solchē schade
theten. Was leren / predigen oder schreiben wir vnrechts?
Worinne irren wir / da von die Kirche möcht schaden ne-
men odder leiden? Thun wirs damit / das wir ewre newe
ordnung vnd Menschen Caremonien nicht wollen will-
gen / noch annehmen? Thun wir damit den schaden / das
wir die Wolffe / Bapst vnd Bisschoffe / fur vnser ordina-
rios pastores nicht erkennen noch annemen wollen? Thun
wir damit den schaden / das wir keine Messe / sondern al-
lein Communionem populi haben vnnd leiden wollen?
Oder vielleicht das ich am besten glaube / thun wir damit
den größten schaden / das wir armen vngelerten gregarij
mini stri

ministri uerbi, widder euch hochgelerten schreiben / vnnnd
euch einreden dárfften. Aber wir müssen aus höchster not/
vnsen Christlichen namen zuerretten / euch weiter einre/
den. Wie wenn ihr den grössten schaden thet / vnnnd die
wol angerichten Kirchen zurüttet vnnnd verwirret hettet?
Zum ersten damit / das ihr das wort Sola, da es die not
widder die Messschiffchoffe fordert / nicht streiten wolt?
Wie wenn ihr ein anstos vnd ergernis der Kirchen damit
anrichtet / das ihr ein spectakel Messe neben der Commu-
nion populi erdicht / geordent vnnnd eingesetzt habt? So
doch Christus vnser lieber Herr / gar keine Messe / bey vnd
neben der Communion, gestift noch eingesetzt hat? Wer
hat euch befohlen neben der Communion populi widder
Gottes wort / gebot vnnnd befehl / ein Messe anzurichten?
Wie wenn jr den Kirchen Christi / ein vnüberwindlichen
schaden thet / damit / das jr die Schaff vnnnd diener Chris-
ti / so er mit seinem theuren blut erkaufft hat / dem Wolfe
befehle vnd unterwerffet?

Hie richte abermal Himel vnd Erde / welchs theil
den Kirchen Christi schaden thut / Die / welche menschen
tradition vnd teuffels lehr der Christlichen Kirche auffle-
gen vnd dringen / Oder die / welche dawidder sechten vnd
streiten? Darumb möchte Doctor Pomer sich wol be-
denken / was er redt vnd schriebe / vnnnd nicht so leichtfer-
tig vnnnd vnbedacht / vnschuldige leut one grunnt vnnnd vr-
sach / schmeihen vnd lestern.

Zum dritten sagt Doctor Pomer / wir können kei-
nen fried halten. Hie frage ich meine freunde vnd feinde/
welchs theil den friede bricht / zant vnnnd haddet anseheth.
Der / welcher stille sitzt / nichts newes anseheth / nichts mu-
tirt noch endert / Oder der / so alles newert / mutirt / vnnnd
seine gefallen endert. Es spreche nu das vrtail wer da
C ij wolle/

wolle/ so kan man vns keinen vnfrieden / zancß noch habē
der zumessen odder auff legen / Denn wir haben ihe nichts
newes angefangen / mutirt noch geendert / viel weniger
jemand etwas newes auffgedrungen / wie Papsť Vicor
den Orientischen Kirchen/ das newe vnd veranderte Gs
sterfest auffdringen wolt.

Das wir aber wider die newe ordnung/ mutationes
vnd enderung geschrieben vnd geprediget haben/ dazu ha
ben sie vns vrsach geben/ das sie disunctiones vnd sepa
rationes angefangen/ sich von vns disungirt vnd sepa
rirt, vnd mit zu den Messbisschoffen coniungirt haben/
das wir den wolffen weren mussten / das sie mit ihren
menschlichen traditionen vnnnd aufflagen / die Schaff
Christi nicht mordeten vnd aufffressen/ Vnnnd nicht wider
vnter den Antichrist in sein reich gebracht vnd gefürt wür
den.

Ist aber das nicht ein jemerlich vnd verdrisliche
plage/ Wenn der Wolff die Schaff fressen / vnd der Hirt
te ihm weren wil / das man den zancß vnnnd hader / vom
Wolffe nemen / vnd auff den Hirtten schieben sol? Was ist
das anders/ denn den Wolff absolutirn vnd los sprechen/
vnnnd die armen Schaff mit ihrem Hirtten verdammen/
den Wolff für einen friedtsamen / vnd den Hirtten für einen
friedbrecher erkennen vnd halten? Solche iudicia vnnnd
vrtail/ müssen wir izund vom Pomer vnd Maior dulden
vnd leiden.

Zum vierden vnd zu letzt / schreibe der Pomer/ wir
machen das die Christlichen Prediger veriaagt werden.
Wie kämpfe das / odder wie gehet das zu? Das wir/ so
das Euangelium lautter vnd rein / ohn allen menschlich
en zusatz / lehren vnnnd predigen / vnnnd widder den Anti
christ vnd seine ertichte Caremonien vnd Gottes dienste
so hefftig

schuldig streiten/ein vrsach sein sollen/ das die Euangelis-
chen Prediger verriagt werden?

Es ist kunt vnnnd offenbar im ganzen Römischen
Reich/ das das Keyserliche edict des veriagens ein vrsach
ist/ vnnnd nicht die vnschuldigen Diener der Kirchen zu
Magdeburgk. Worumb ist denn der Pomer so vntbedech-
tig/ das er vns solchs schuld gibe? Ach lieber GOTT er
wolt sich gern entschuldigen/ aber es wil sich nicht ent-
schuldigen lassen/ denn es ist zu hel vnnnd offenbar/ das die
jeger ihre prediger aus des Keyfers befehl/ nicht vmb vns-
ers schreibens willen/ veriaget vnd vertrieben haben.

Vnd wenn wir gleich nie kein wort wider die newe
mutation geschrieben/ vnnnd beide Interim groß vnnnd klein
angenomen hëtten/ so musten sie doch die prediger vmb
des Keyfers edicts willen veriagt haben. Das aber die jeger
vnsrer schrifft wider das Leipziger Interim iren pres-
digen zeigen/ das thun sie darumb das sie sich mit ewrem
Interim entschuldigen/ das sie nicht vnrecht thun/ das sie
die Lutherischen mit irer lehr veriagen/ dieweil ewer Inte-
rim die Lutherische lehr vnnnd Religion verendert hat/
Darumb ihr vnd ewer Interim/ vnd nicht vnsrer schrifft/
des veriagens ein vrsach seint. Ja der Keyser selbst/ vnnnd
vil abgefallene Kirchen/ trösten sich mit ihrer mutation
vnnnd enderung/ das sie nu dafur halten/ die Lutherische
Lehr vnnnd Religion sey falsch vnnnd vnrecht/ dieweil die
Theologen zu Wittembergk/ dieselbe jetzt durch ire Interim
vnd newe ordination mutirt vnd verandert haben.

Settet jr mit vns feste gehalten/ so künnten sie shres
veriagens kein entschuldung furwenden. Tu aber ewer
ordnung vnd verenderung mit dem grossen Interim vber-
einstimmen/ so nemen sie beide vrsach sich zu entschuldig-
en/ das sie recht vnd Christlich gethan haben/ Der Key-
ser/ das

er/ das er die Lutherische lehr in sein edict verdampt hat/
Die jeger / das sie die Lutherischen Prediger verärgert ha-
ben.

Habe ihr nu nicht ergernis vnnnd anstos mit ewer
mutation vnnnd ordnung gegeben/ so gebet sie noch vnnnd
machs besser. In summa / des Keyfers edict ist des ver-
sagens ein vrsach. Aber die Leipzigsche mutation vnnnd
ordnung ist ein vrsach / das die jeger sich rühmen / das sie
die Lutherischen prediger recht vnd billich verärgert haben/
aber vnser schriften zeigen an/ das sie vnrecht vnd vnchri-
stlich daran gethan haben. Da gegen bezeuget vnnnd be-
weist die mutation vnnnd newe ordnung inn ewrem late-
rim/ das sie recht vnd wol gethan haben / denn ewre mu-
tation vnnnd ordnung macht die Lutherische Lehr vnnnd
Religion bey ihn verdecktig. Vnd sonderlich das Buch/
Gründelicher berichte/ lobt des Papis Ceremonien vber
die masse / das es gute löbliche Ceremonien seint / Dar-
halben sie solche Christliche gefallene Ceremonien wider
auffgericht haben/ welchs nicht anders laut/ was Luther
guts abgethan hat/ das haben sie wider auffgericht vnnnd
zu rechte bracht. Solche wort solten noch wol ander leut
bewegen / die Lutherische lehr zuverlassen/ aber Gott ver-
gebe es ihm/ der das spiel angefangen hat / vnnnd sich jzt
mit der Messe vnd dem Papst weißbrennen wil.

Vnnnd ich sage noch weiter / wenn der Keyser kein
edict het lassen ausgehen/ so würde er durch der Adiapho-
risten schrift/ vnd sonderlich durch dis vergiffthige buch/
Gründelicher berichte der hendel/ genugsam verursacht die
Lutherische lehr zuverdammen. Aber dis heist nicht er-
gernis vnd anstos geben/ es heist nicht spaltung vnd tren-
nung machen / Es heist nicht Christum vnnnd sein wort
verlengken/ sondern es mus eitel geist / fried vnnnd einigkeit
heissen.

Solches

Solchs solt der Pomer billich bedacht haben/ vnd
die vnschuldigen/nicht so leichtfertig wie ein Holzpeler ge-
schmehet vnnnd gelestert haben. Ich bin auch einer / aus
den zu Magdeburgk / der allzeit (ehr ich auch izund
widder gen Magdeburgk kommen bin) die Interim anges-
prochen habe/Solt ich aber darumb vom Teuffel erweckt
sein/wie der Pomer vns schendet vnd lestert? Mein glaub
vnd gewissen haben mich erwecket vnnnd gedrungen / den
Wolff an zu bellen / auff das ich durch mein still schweis-
gen nicht angesehen würde/ ob ich meine lehr vnnnd glau-
ben/ so ich inn meinem predigamt fast bey xxx. jaren ge-
predigt habe/ jetz nu die fahr daher tritt/ verlengket hette.
Vnd habe also die schrift / aus hoher notturfft die reine
lehr des heiligen Euangelij / vnd meinen Christlichen na-
men widder D. Pomer vnnnd Maior zu erretten / laß
sen ausgehen / auff das auch vnser volck/
dem wir gepredigt haben/durch die In-
terim nicht verfñrt noch
betrogen würde.